

Sarkina Bt Mat Saad @ Shaari

From: UUM CORPORATE COMM.
Sent: Thursday, July 11, 2019 3:13 PM
To: UUM - All Staff; UUM - All Students
Subject: Pengiktirafan 251 Fabulous Global Education Leaders Suntik Semangat Baharu



UUM Corporate Comm.
Universiti Utara Malaysia

11 JULAI 2019 / 08 ZULKAEDAH 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

PENGIKTIRAFAN 251 FABULOUS GLOBAL EDUCATION LEADERS SUNTIK SEMANGAT BAHARU



UUM ONLINE: Kecemerlangan dalam bidang penyelidikan, penyeliaan dan akademik telah melayakkan pensyarah dari Pusat Pengajian Teknologi, Multimedia dan Komunikasi (SMMTC), Prof. Madya Ts. Dr. Ariffin Abdul Mutalib menerima Anugerah 251 Fabulous Global Education Leaders oleh World Education Congress di Mumbai, India, baru-baru ini.

Dr. Ariffin berkata, anugerah yang diterimanya terlalu istimewa dan semestinya beliau merasa bangga dan amat bersyukur kerana diberikan pengiktirafan di peringkat antarabangsa itu.

Menurutnya, sebagai seorang yang telah bertungkus-lumus dalam bidang akademik dan kepengurusan, pengiktirafan luar terhadap kepemimpinan sebegini menjadi sumber kekuatan yang menyuntik semangat baharu.

"Saya berusaha melaksanakan amanah dan tanggungjawab diberikan sebaik mungkin dan memastikan ia meninggalkan impak yang berkesan bukan sahaja pada diri sendiri, malah masyarakat juga.

"Saya berterima kasih kepada UUM dan juga individu atau organisasi yang pernah bekerjasama dengan saya yang mungkin telah mencalonkan saya tanpa disedari hingga menjadi salah seorang penerima anugerah ini," katanya.

Dr. Ariffin berkata, menerima anugerah itu tidak bermakna beliau sudah menjadi seorang yang terbaik, justeru beliau akan terus memperbaiki diri untuk menjadi lebih baik pada masa hadapan.

Katanya, beliau perlu banyak belajar lagi dan terus belajar sekiranya ingin menjadi individu yang terpilih meskipun bukan anugerah yang dikejar tetapi sumbangan kepada universiti dan masyarakat menjadi keutamaan.

"Contohnya, pada tahun lalu saya telah menerima biasiswa daripada The German Academic Exchange Service (DAAD) untuk mengikuti kursus International Deans' Course (IDC) di Jerman dan pada tahun ini apabila Akademi Kepimpinan Pendidikan Tinggi (AKEPT) menganjurkan IDC Malaysia Chapter (MyIDC), saya telah dipilih sebagai salah seorang jurulatih dan berpeluang berkongsi ilmu dan pengalaman dengan peserta kursus.

"Melalui cara ini, saya dapat memperbaiki kemahiran kepimpinan yang dimiliki dengan ilmu yang ditimba sepanjang mengikuti pelbagai kursus sama ada dalam negara atau luar negara. Ini adalah salah satu sumbangan yang mampu saya berikan semula kepada mereka," katanya.

Pernah memegang jawatan sebagai Dekan SMMTC, Dr. Ariffin berharap pada tahun tahun akan datang lebih ramai rakan seperjuangan di UUM akan dipilih untuk menerima anugerah tersebut.

Menurutnya, kemahiran memimpin itu boleh ditingkatkan lagi dengan memperbanyakkan pembacaan dan juga mengikuti latihan yang efektif kerana sebagai hasilnya, ia akan membantu dalam melaksanakan tugas dengan berkesan dan berimpak.

Penerima Anugerah 251 Fabulous Global Education Leaders adalah mereka yang telah melaksanakan tugas luar biasa dan mempunyai rekod pencapaian cemerlang dalam bidang penyelidikan khususnya dan mereka dinilai oleh juri bebas terdiri pemimpin kanan, penyelidik dan ahli akademik.

Selain itu, penerima dipilih berdasarkan kriteria dari aspek perspektif strategik, integriti dan etika, pendekatan penilaian, sentuhan manusia, orientasi masa hadapan, rekod pencapaian serta cara amalan dan pemikiran dalam pendidikan mampan.



Please consider the environment before printing this e-mail



AACSB
ACCREDITED



ASSOCIATION
AMBA
ACCREDITED



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.